

## **Ngaju - Salamat Surat Barasih - Salvation Scriptures**

**Epesus 2:2 Hong katika te keton manumon ampin hadat kalunen jetoh; rimae keton mamenda kare taloh je mimbing kuasa intu langit iete roh je manguasa atei kare oloh je dia taat dengan Hatalla.**

**Mateus 6:10 Ikau bewei Rajan ikei. Keleh ikau marentah hunjun petak tuntang kahandakm imenda kilau huang sorga.**

**Lukas 22:42 palus mandeko utute tuntang balakudoa. "Bapa," koae, "amon tau, ngejau ih bara aku kapehe je musti buah aku toh. Tapi ela manumon kahandakku, malengkan manumon kahandak Bapa bewei."**

**Yohanes 16:7-9 Tapi aku mansanan akan keton taloh je toto: labih bahalap akan keton amon aku haguet; basa amon aku dia haguet, pandohop te dia kareh dumah manalih keton. Tapi amon aku haguet, aku kareh manyoho ie manalih keton. 8 Amon ie dumah, ie kareh mamparahan akan kalunen narai riman dosa, tahu taloh je toto, tuntang tahu hukum Hatalla. 9 Ie kareh mamparahan amon oloh dia percaya dengangku jete dosa;**

**2 Timoteus 2:10 Jete sababe aku sabar mananggong taloh handiai te akan kepentingan kare oloh je jari iintih Hatalla, mangat ewen kea mandino salamat je inenga mahalau Kristus Yesus, tuntang je mampahayak kahaie je katatahie.**

**Roma 15:20,21 Kahimat ateiku iete mangabar Barita Bahalap bara Hatalla hong kare eka intu kueh oloh hindai mahining tahu Kristus. Awu aku dia handak mamangun gawi hunjun galang je iingkes oloh beken. 21 Huang Surat Barasih tarasurat, "Kare oloh je hindai puji manarima barita tahu ie, kareh mite; tuntang ewen je hindai puji mahining, kareh harati."**

**Gawin Rasul 2:36,37 Jete sababe kakare oloh Israel musti katawan tototo tahu Yesus je inyampalaki keton te, Yesus te kea je jari injadian awi Hatalla manjadi Tuhan tuntang Raja Panyalamat!" 37 Katika kare oloh te mahining hal te, atei ewen paham inggerek. Palus ewen misek dengan Petrus tuntang kare rasul je beken te, "Pahari handiai, en je musti iawi ikei?"**

**Ibrani 4:2 Basa Barita Bahalap te jari imbarita akan itah sama kilau akan ewen. Tapi akan ewen, barita te jaton ganae. Basa katika ewen mahininge ewen dia percaya.**

**Yeremia 24:7 - Mateus 22:37 Yesus tombah, "Sinta Tuhan Hatallam dengan salepah ateim, dengan salepah hambaruam, tuntang dengan salepah kaharatim.**

**Gawin Rasul 16:14 Ije bara ewen te tukang jual benang ungu, arae Lidia, asale bara Tiatira. Ie sintu Hatalla, maka Tuhan manggerek ateie sampai ie manarima taloh je iajar Paulus.**

**Mateus 13:14-16 Kalote maka, manjadi taloh je inujum awi Nabi Yesaya, 'Hatalla hamauh: Ewen kareh tetep mahining tapi dia haratie; Ewen akan tetep manantuanie tapi dia katawan taloh je manjadi 15 Awu tirok itong olah te jari tumpul, pinding ewen te jari badengen tuntang matan ewen jari ngambutepe. Jetoh manjadi uka matan ewen ela mite, pinding ewen ela mahining, tirok itong ewen ela haratie tuntang ela haluli manalih aku, palus aku mampakeleh ewen.' " 16 "Tapi dia laluen kaontong keton," koan Yesus dengan kare muride, "awi keton toto mite tuntang mahining.**

**Yesaya 6:9,10 - Gawin Rasul 28:27 Basa tirok pikir utus jetoh jari manjadi tumpul. pinding ewen jari badengen tuntang matan ewen jari ingambutepe. Jete manjadi uka matan ewen ela mite, pinding ewen dia mahining, tirok ewen dia harati, tuntang dia haluli manalih aku, palus aku akan mampakeleh ewen.**

**Markus 4:11,12 Maka Yesus hamauh dengan ewen, "Keton jari mandino panenga uka mangatawan taloh je basilim tahuu kilen ampie Hatalla marentah. Tapi kare olah luar iajar mahapan paribasa, 12 mangat 'Ewen kareh harajur manantuanie tapi dia katawan taloh je manjadi, ewen kareh harajur mahining, tapi dia haratie, jete manjadi uka ewen jaton mitee tuntang haratie tuntang jaton dumah manalih Hatalla uka ewen mandino ampun bara Hatalla.'**

**Yohanes 12:39,40 Jete bukue ewen dia percaya, basa Yesaya jari hamauh kea, "Hatalla hamauh, 40 'Aku mambute matan ewen, mawi ewen batekang ateie; mangat matan ewen ela mite, tirok ewen dia harati. Mangat ewen dia haluli manalih aku, palus aku mampakeleh ewen.'**

**Roma 11:7,8 Jadi, kilen ampie toh? Ungkup Israel dia dinon taloh je inggau ewen. Oloh je mandinoe baya isut biti bewei je jari iintih Hatalla. Je beken uras manjadi olah badungil taharep pantehau Hatalla. 8 Basa huang Surat Barasih inyurat kalotoh, "Hatalla mawi tirok tuntang atei ewen manjadi badungil; tuntang sampai katika toh matan ewen jaton tau mite tuntang pinding ewen jaton tau mahining."**

**2 Tesalonika 2:10,11 Ie kareh mahapan kare tipu tuntang tirok je papa uka mampalayang kare olah je akan manalih kabinasa. Ewen kareh imbinasa awi ewen manolak tuntang dia rajin dengan barita je bujur bara Hatalla je tau manyalamat ewen. 11 Jete bukue Hatalla mampadumah akan ewen ije kuasa je mampalayang, sampai ewen percaya dengan taloh je dia bujur.**

**Mateus 13:18-23 "Hining auh riman paribasa tahuu panawur binyi te. 19**

**Binyi je manjato intu jalan jete tanding kare olah je mahining barita tahuu ampin Hatalla marentah, tapi ewen dia haratie. Taloh Papa te dumah tuntang marampas taloh je jari inawor huang atei ewen. 20 Binyi je manjato hong eka je are batue, tanding kare olah je mahining barita te, tuntang balalu manarimae dengan hanjak ateie. 21 Tapi barita te dia muhat huang atei ewen, sampai dia tahan tahi. Sana ewen mangkeme kasusah atawa kapehe ganan barita te, te ewen balalu mangabele barita te. 22 Binyi je manjato marak kare ruwut haduhi, tanding kare olah je mahining barita te, tapi mikeh tahuu pambelom ewen tuntang mipen belom tatau sanang. Tagal te barita bara Hatalla te ingalambon huang atei ewen sampai dia tau mamua. 23 Tuntang binyi je manjato intu petak je basiuh, jete tanding kare olah je mahining barita te tuntang haratie. Ewen mamua labat, aton je saratus, aton je jahawen puluh, tuntang aton je telo puluh lipet hasile."**

**2 Korintus 3:15,16 Wayah toh mahin, amon ewen mambasa kare surat Moses, sandurong te mahin manutup tirok ewen. 16 Tapi amon ije biti olah dumah manaharep Tuhan, sandurong te kea intapei bara baun olah te.**

**Hosea 11:3-7 - Mateus 11:28-30 Keleh dumah talih aku keton samandiai je heka, tuntang je mangkeme katanggongan; aku handak mampangat keton. 29 Keleh manumon auh parentahku tuntang keleh bajar dengangku. Basa aku toh balemo tuntang randah atei, maka keton kareh mangkeme kamangat. 30 Karana kare parentahku mampangat, tuntang tanggongan je inengaku akan keton te mahian.**

**Gawin Rasul 26:18 uka mamparenang matan ewen, mangat ewen balua bara kakaput tuntang tame akan huang kalawa; mangat ewen lapas bara pangaruh Setan, palus inguasa awi Hatalla. Maka awi percaya dengangku kare dosan ewen kareh iampun tuntang ewen kareh manjadi anak ungkup ain Hatalla je iintih.**

**2 Timoteus 2:24-26 Oloh je bagawi akan Tuhan dia patut hakalahi; ie musti bajenta majar kare olah hapan kahalap tuntang kasabar. 25 Ie musti mahapan kalemo majar kare olah je rajin malawan; keleh Hatalla manenga katika akan kare olah te mangat hobah bara kare dosan ewen tuntang mangasene auh ajar je bujur. 26 Awi kalote ewen manjadi barendeng haluli, tuntang lapas bara jarat setan je jari manawan ewen tuntang mamaksa ewen ombo manumon kahandak ayue.**

**Pangarinah 3:17-19 Keton hamauh, 'Ikei tatau tuntang uras sukup; ikei jaton tapas taloh en-en.' Tapi keton dia katawan dia lue-luen kapehe tuntang kapasi ampin keton! Keton belom susah, halowai tuntang**

**babute. 18 Tagal te aku manasehat keton mangat mamili amas dengangku, iete amas je tulen, mangat keton manjadi tatau. Keleh mamili kea dengangku pakaian baputi mangat keton hapakaian tuntang manutup ampin keton je halowai tuntang mampahawen. Tuntang keleh mamili kea tatamba mangat iohos intu matan keton mangat keton tau mite. 19 Kare olah je inyintaku, jete je iningakku tuntang injaraku. Tagal te, keleh keton balasut atei tuntang hobah bara kare dosan keton.**

**2 Korintus 7:10 Basa kapehen atei je ingahandak awi Hatalla kilau te mimbit kahobah atei je manyalamat. Tuntang olah dia akan manyasal tagal hal te. Tapi kapehen atei je bara kalunen toh jete kapehe je mimbit pampatei.**

**1 Raja 18:37 - God turned heart back to God**

**2 Korintus 4:4 Dewa papa je manguasa kalunen toh manutup tirok atei kare olah je dia percaya te. Ie te je mahambang ewen te mangat ewen dia mite kalawa bara Barita Bahalap te tahuu kahain Kristus, je puna kilau gambar Hatalla.**

**Lukas 8:11-15 "Jetoh ie riman paribasa te: Binyi te iete auh Hatalla. 12 Binyi je manjato hong jalan jete tanding kare olah je mahining auh te. Tapi setan dumah tuntang marampas barita te bara atei ewen, mangat ewen dia percaya tuntang dia inyalamat. 13 Binyi je manjato intu eka je habatu, tanding olah je metoh mahining barita te, manarimae dengan sanang ateie. Tapi kabar te dia muhat huang ateie. Ewen percaya hanjulo ih, tuntang metoh tingkes dumah, ewen mundur. 14 Binyi je manjato intu bentok ruwut haduhi tanding olah je mahining barita te, tapi kakenang tahuu pambelom ewen hayak mipen belom tatau tuntang sanang hong kalunen toh. Uras taloh te mangalambo ewen sampai dia mampalembut bua je masak. 15 Binyi je manjato hong petak je subur tanding olah je mahining barita te, palus mingkese huang ateie je bahalap tuntang bujur. Ewen baketep sampai mampalembut bua."**

**Gawin Rasul 15:11 Dia! Itah percaya tuntang inyalamat awi asin Tuhan Yesus; kalote kea ewen.**

**Roma 8:13 Karana amon keton belom manumon sipat olon, maka keton akan matei; tapi amon hapan kuasan Roh Hatalla, keton harajur mampatei kare gawin keton je badosa, maka keton kareh belom.**